

Mae S4C yn falch i gyhoeddi cystadleuaeth Côr Cymru Cynradd 2022.

Trefnir y gystadleuaeth gan gwmni Rondo a bydd y rownd derfynol ar **Sadwrn Ebrill 2ail 2022** yng Nghanolfan y Celfyddydau, Aberystwyth yn cael ei darlledu ar S4C.

Mae'r gystadleuaeth yma i gorau ysgolion cynradd academiaidd ac nid i ysgolion perfformio.

Rhaid bod lleiafswm o 20 aelod ym mhob Côr.

Panel o feirniaid rhyngwladol fydd yn dewis y corau a bydd barn y panel yn derfynol.

Gwobr o £100 am gyrraedd y rownd derfynol.

Gwobr o £500 a thlws am ennill Côr Cymru Cynradd.

Dyddiad cau derbyn ceisiadau: 08.10.21

Gwrandawriadau

Bydd pob côr yn cael eu recordio (sain yn unig) gan beiriannydd sain proffesiynol yn eu cynefin ddiwedd Tachwedd 2021. Dylai'r corau baratoi rhaglen amrywiol o gerddoriaeth rhwng 6 - 8 munud. Er nad oes rheidrwydd i gynnwys darn di-gyfeiliant rydym yn annog corau i wneud hyn. Ni chaniateir golygu'r perfformiad, a chaiff pob côr gopi o'u perfformiad. Gwrandewir ar y recordiadau gan banel o feirniaid rhyngwladol, ac fe fydd y corau'n cael eu hadnabod fesul rhif, ac nid enw. Y gobaith yw hysbysu pob côr o ganlyniad eu gwrandawriad erbyn canol Ionawr 2022, pan y gwahoddir hyd at bedwar côr ym mhob categori i fynd ymlaen i'r rownd derfynol.

Bwriedir recordio yn yr ardaloedd canlynol fel a ganlyn:

Nos Wener	19.11.21	Yr Wyddgrug
Dydd Sul	21.11.21	Bangor
Nos Lun neu nos Fawrth	22/23.11.21	Aberystwyth
Nos Fawrth neu nos Fercher	23/24.11.21	Castell Newydd Emlyn
Nos Fercher neu nos Iau	24/25.11.21	Caerfyrddin
Dydd Sadwrn	27.11.21	Caerdydd

Lle dynodir dau ddyddiad, dim ond un o'r nosweithiau y byddwn ni'n recordio yn yr ardal honno. Bydd cadarnhâd o'r noson ar ôl y dyddiad cau.

Y Rownd Derfynol

Gofynnir i'r corau sy'n cael eu dewis i fynd ymlaen i'r rownd derfynol baratoi rhaglen amrywiol o 8-10 munud o hyd. Dylid canu o leiaf un darn yn yr iaith Gymraeg, ac ni chaniateir mwy nag un darn yn yr iaith Saesneg. Rhaid i'r darn Saesneg fod o dan 3 munud o hyd. Caniateir canu darnau o'r clyweliad os y dymunir.

Gofynnir i'r corau:

Erbyn **Ionawr 17eg 2022** fan bellaf

- Gyflwyno **rhaglen y rownd derfynol** ar bapur neu trwy ebost ynghyd â darparu cadarnhâd o gliriadau hawlfraint os bydd angen.
- Anfon **copïau o'r gerddoriaeth** gyda unrhyw doriadau neu 'ail-ganu' wedi eu copio mewn yn barod.

Ni chaniateir newid y rhaglen ar ôl y dyddiad yma oni bai bod problem yn codi gyda chlirio hawlfraint darlledu darn arbennig.

Erbyn **Chwefror 28ain 2022**

- **Gwybodaeth am unawdwyr, niferoedd, trefn sefyll a chyfeiliant.**
- **Recordiad gweledol** (fideo) wedi ei wneud ar ffôn/ipad/dablet o'r darnau fel mae nhw'n cael eu cyflwyno ar lwyfan. **Mae'n orfodol i bob côr baratoi fideo** er mwyn galluogi'r Cyfarwyddwr i baratoi sgript fanwl cyn y perfformiadau yn Aberystwyth.

Hawlfraint

Os ydych yn defnyddio cyfieithiad neu drefniant sydd heb ei gyhoeddi, mae angen caniatâd ar bapur wrth gyhoeddwy'r gwreiddiol os gwelwch yn dda. Cyfrifoldeb y corau yw talu am gomisiynu'r cyfieithiadau newydd ac am y caniatâd i ddefnyddio'r cyfieithiadau ar S4C. Dyw'r ffaith bo darn wedi cael ei berfformio ar S4C yn y gorffennol ddim o reidrwydd yn golygu y ceir caniatâd i'w ddarlledu eto gan bod hi'n ddyletswydd ar y cynhyrchwyr i glirio cyfieithiad/trefniant bob tro mae'n cael ei berfformio ar gyfer teledu. Gorau po gyntaf mae'r wybodaeth yn ein cyrraedd ni o ran repertoire sy'n cynnwys trefniannau/cyfieithiadau/darnau heb eu cyhoeddi.

Os am gymorth o berchnogaeth o ddarn o gerddoriaeth, gyfieithiad neu drefniant yna ebostiwch corcymru@rondomedia.co.uk ac fe wnawn ni'n gorau i geisio dod o hyd i'r wybodaeth berthnasol i chi.

Ni ellir gwarantu perfformio darnau oni bai bod y caniatâd cywir wedi ei roi.

Mae gan S4C yr hawl i wrthod corau i gystadlu os nad ydynt yn cydymffurfio gyda'r amodau.

Chaperones

Er mwyn sicrhau eu diogelwch a chydymffurfio â gofynion unrhyw drwyddedau perfformio, fe fydd angen i'r corau cynradd drefnu bod chaperone cofrestredig yn teithio ar unrhyw fws y bydd Rondo yn ei drefnu ar gyfer cludo'r côr i Aberystwyth ac yn ôl.

Tra yn Aberystwyth fe fydd Rondo yn trefnu chaperones i fod ar ddyletswydd gydol y cyfnod cystadlu ac yn cydweithio gyda threfyddion y corau i drefnu gofal y plant yn ystod y cystadlu yn Aberystwyth.

Cyfeiliant

Trwy gydol y gystadleuaeth, caniateir defnyddio hyd at 5 cerddor fel cyfeiliant i'r eitemau.

Cyfrifoldeb y côr yw trefnu'r cerddorion a thalu unrhyw ffioedd sy'n ddyledus trwy ddarlledu.

Mae croeso i gorau ysgolion cynradd gystadlu yng nghategori'r corau plant yng nghystadleuaeth Côr Cymru 2022 os y dymunir.

Teithio i Aberystwyth

Bydd Rondo yn talu am fws i'r corau gyrraedd Aberystwyth.

Ni fydd Rondo yn cyfrannu tuag at gost llety yn Aberystwyth.

Mae Rondo'n cadw'r hawl ar unrhyw amser i ddiwygio'r rheolau yma neu ohirio, canslo neu newid unrhyw ran o'r gystadleuaeth neu gynhyrchu'r Gyfres o ganlyniad i ddigwyddiadau tu hwnt i'n rheolaeth neu fel arall.

Am fwy o fanylion, cysyllter â

Swyddfa Côr Cymru 2022

Rondo, Llawr 9, Ty South Gate, Wood Street, Caerdydd CF10 1EW

Ffôn: 029 2022 3456

Cost galwad arferol, gall y gost fod yn uwch drwy ffôn symudol

E-bost: corcymru@rondomedia.co.uk

Gweler amodau llawn y gystadleuaeth ar www.s4c.cymru/corcymru ac ar www.rondomedia.co.uk

Wrth ymgeisio yn y Gystadleuaeth, mae ymgeiswyr yn rhoi'r hawl i Rondo gymryd cofnod o'u manylion cyswllt at bwrpasau gweinyddu'r Gystadleuaeth. Ni fydd Rondo yn trosglwyddo gwybodaeth bersonol ymgeiswyr i unrhyw drydydd parti nac yn defnyddio manylion personol ymgeiswyr at unrhyw bwrpas ar wahân i weinyddu'r gystadleuaeth hon a hyrwyddo cystadleuaeth debyg yn y dyfodol.

Defnyddir unrhyw ddata personol sy'n ymwneud ag ymgeiswyr yn unol â deddfwriaeth diogelu data gyfredol y DU. Gweler Polisi Diogelu Data S4C (http://www.s4c.cymru/production/downloads/guidelines/c_polisi_diogeludata.pdf) am ragor o wybodaeth. Caiff data sy'n ymwneud ag ymgeiswyr ei gadw gan Rondo am gyfnod rhesymol wedi'r Gystadleuaeth i gynorthwyo Rondo/S4C i ddelio ag unrhyw ymholiadau.